

Načini zaštite od prikaza i uznemirujućih snova

[Bosanski – Bosnian – بوسني]

Muhammed Salih el-Munedždžid

Prijevod:

Mirza Musić

Revizija:

Ersan Grahovac

2014 - 1435

IslamHouse.com

﴿ كيف نتخلص من المنامات المزعجة ﴾

﴿ الكوابيس؟! ﴾

« باللغة البوسنية »

محمد صالح المنجد

ترجمة:

مرزا موستش

مراجعة:

أرسان غراهوفاتس

2014 - 1435

IslamHouse.com

Načini zaštite od prikaza i uznemirujućih snova

Pitanje:

Kako da otklonim uznemirujuće snove (prikaze)?

Odgovor:

Zahvala pripada Allahu,

1. Ono što čovjek vidi, a što ga uznemirava i stvaraju mu nesanicu, to je od šejtana. Sve što čovjek vidi ne može biti osim jedno od troje:

- Lijep san koji je od Allaha,
- ono što mu duša šapuće, a to je ono što mu leži na srcu i o čemu razmišlja i
- treće san koji je od šejtana.

Prenosi se od Ebu Hurejre, a on od Vjerovjesnika, sallallahu alejhi ve sellem, da je rekao: „**Kada se vrijeme približi, gotovo da san muslimana nikada neće biti lažan, a najistinitije snove imat će onaj koji je najistinitijeg govora, san muslimana je dio od četrdeset i pet dijelova vjerovješništva.**“

Snova ima tri vrste:

- Lijep san koji je radosna vijest od Allaha,
- žalostan san koji je od šejtana i
- san u kojem čovjek sam sebi zbori.“¹

¹ Bilježi ga Muslim, br. 2263.

2. Vjerovjesnik, sallallahu alejhi ve sellem, uputio nas je na to kako da otklonimo šejtanovo djelovanje u snu. To ćemo postići učivši kur'anske ajete i dove koje se prenose da ih treba učiti prije spavanja.

a – Prenosi se od Ebu Hurejre, Allah bio njim zadovoljan, da je rekao: „**Allahov Poslanik mi je dao u obavezu da bdijem nad ramazanskim zekatom, pa mi je došao čovjek koji je počeo uzimati hranu,² pa sam ga zgrabio i rekao: 'Zaista ću te odvesti Allahovom Poslaniku, sallallahu alejhi ve sellem.'**, pa reče: 'Kada kreneš u svoju postelju prouči ajetul-Kursi, tako će neprestano biti nad tobom čuvar od Allaha, i šejtan ti neće moći prići sve dok ne osvaneš.', pa je Vjerovjesnik, sallallahu alejhi ve sellem, rekao: 'Istinu ti je rekao lažv, to je bio šejtan.'³

b – Prenosi se od Ebu Mesūda el-Bedrija, Allah bio njim zadovoljan, da je rekao: „**Allahov Poslanik, sallallahu alejhi ve sellem, je rekao: 'Ko noću prouči zadnja dva ajeta sure el-Bekare, bit će mu dovoljna.'**“⁴

En-Nevevi je rekao: „Njegove, sallallahu alejhi ve sellem, riječi: 'Ko noću prouči zadnja dva ajeta sure el-Bekare, bit će mu dovoljna.', rečeno je da znače:

- Da mu je to dovoljno umjesto noćnog namaza.

² Tj. kradom uzimati i bez dozvole. (op. prev.)

³ Bilježi ga el-Buhari, br. 3101.

⁴ Bilježe ga el-Buhari, br. 3786. i Muslim, br. 807.

- Drugi su rekli: od šejtana.
- A rečeno je isto: od nesreća.

A moguće je da obuhvata sve navedene stvari.⁵

c – Prenosi se od Āiše, Allah bio njome zadovoljan, da je rekla: „**Allahov Poslanik, sallallahu alejhi ve sellem, kada bi krenuo u svoju postelju pljucnuo bi u svoje dlanove te proučio Kulhuvallahu ehad,⁶ i muavvizetejni⁷ sve skupa, zatim bi njima⁸ potrao svoje lice i ono od tijela dokle bi mu ruke dosezale. Kada se razbolio, naređivao mi je da ja to učinim umjesto njega.**“⁹

d – Prenosi se od Ebu Hurejre da je rekao: „**Kada bi neko od nas htio spavati Allahov Poslanik, sallallahu alejhi ve sellem, bi mu naređivao da legne na svoju desnu stranu, a zatim kaže: 'Allahu moj, Gospodaru nebesa i Gospodaru zemlje, Gospodaru Arša veličanstvenog, Gospodaru naš i Gospodaru svake stvari, Onaj koji daje da sjemenje i koštice prokljaju, Onaj koji je spustio Tevrat, Indžil i Kur'an, Tebi se utječem od zla svake stvari, Ti upravljaš njim, Allahu moj Ti si Prvi i prije Tebe nije bilo ništa, Ti si Poslednji i poslije Tebe neće biti ništa, Ti si Vidljivi i ništa nije očitije od Tebe, Ti si Skriveni i**

⁵ Iz djela *Šerhu Muslim*, 6/91-92.

⁶ Tj. suru el-Ihlas. (op. prev.)

⁷ Tj. suru el-Felek i en-Nas. (op. prev.)

⁸ Dlanovima. (op. prev.)

⁹ Bilježe ga el-Buhari, br. 5416. i Muslim, br. 2192.

ništa ne biva bez Tebe, vrati za nas dug i otkloni od nas siromaštvo.¹⁰

e – Prenosi se od Ebu Hurejre, Allah bio njim zadovoljan, da je rekao: „**Ebu Bekr je kazao: 'O Allahov Poslaniče, naredi mi šta da kažem kada osvanem i kada omrknem.'** Reče: '**Kaži: 'Allahu moj, Ti poznaješ skriveno i vidljivo, Stvaraoče nebesa i zemlje, Gospodaru svake stvari i njen Vlasniče, svjedočim da nema drugog Boga osim Tebe, Tebi se utječem od zla moje duše i zla šejtana i širka njegovog.'** To kaži kada osvaneš i kada omrkneš, kao i kada ideš u postelju.’¹¹

3. Vjerovjesnik, sallallahu alejhi ve sellem, ukazao nam je takođe na to šta čovjek da čini ako u snu vidi nešto što prezire. Popratit će to sljedećim stvarima: pljucnut će na svoju lijevu stranu, utjecati se od šejtana, promijeniti stranu na kojoj je spavao, i obaviti namaz ako to želi.

a – Prenosi se od Katade da je rekao: „**Vjerovjesnik, sallallahu alejhi ve sellem, je rekao: 'Lijep san je od Allaha, a ružan od šejtana, pa ako neko od vas usnije nešto ružno čega se plaši, neka pljucne sa svoje lijeve strane i neka se Allahu utječe od njegova zla, pa mu ono neće naškoditi.'**“¹²

¹⁰ Bilježi ga Muslim, br. 2713.

¹¹ Bilježi ga et-Tirmizi, br. 3392. i Ebu Davud, br. 5067.

¹² Bilježe ga el-Buhari, br. 3118. i Muslim, br. 2261.

b –Džabir prenosi od Allahovog Poslanika, sallallahu alejhi ve sellem, da je rekao: „**Ako neko od vas vidi san koji prezire, neka pljučne sa svoje lijeve strane tri puta, neka se utječe Allahu od šejtana tri puta i neka promijeni svoju stranu na kojoj je spavao.**“¹³

c – Prenosi se od Ebu Hurejre da je rekao: „**Vjerovjesnik, sallallahu alejhi ve sellem, je rekao: 'Ako neko od vas sanja nešto što prezire, neka ustane klanjati i neka o tome ne priča ljudima.'**“¹⁴

Nadati se je da ako se musliman pridržava onoga što nam je Vjerovjesnik, sallallahu alejhi ve sellem, oporučio, šejtan neće imati prilaza do njega, i ako se bude pridržavao onoga što mu je oporučio da čini prilikom straha i kada ustaje, da će od njega biti otklonjene brige i žalost. Allah najbolje zna.

Islam: Pitanje i odgovor.

Šejh Muhammed Salih Munedžid

¹³ Bilježi ga Muslim, br. 2262.

¹⁴ Bilježi ga Muslim, br. 2263.